

subsisterem ad breve tempus. Abituriens propior cùm forem, non sine oblectationis recordatione discessurus, post varia Laternæ Magicæ, recentioris operis ac emendatioris solito, phænomena, nocturno tempore finitis epulis repræsentata, die XXV. Augusti, in mandatis mihi dedit (nam tūm aberat in castris, Optimi Maximiq; LEOPOLDI CÆSARIS auctoramento legionibus præfectus Campi Mareschallus summus sed Vicarius, Incomparabilis omnino Arte pariter ac Marte HEROS-DOMINUS, CHRISTIANUS ERNESTUS, S. I. R. PRINCEPS & MARCIO BRANDENBURGICUS, elogio mortalium sublimior;) DUX Serenissima, ut jucunda ignis Philosophici & Luminis (ceu vulgo nominant) Perpetui spectacula, præsentibus aliquot Serenissimis PRINCIPIBUS ac Illustriori Gynæcéo exhibere. Quod cùm perageretur Iudicrum ainoënum, scio, inquietabat quispiam præcipuus ex Nobilitate, expertissimæ virtutis Eques, si PRINCEPS Illustrissimus de MONTECUCOLI, videret hæc, ad militares usus plurima ingeniosè hinc machinaturum ipsum. Ego, qui penderem animi, satisne videretur commodum & ex consulo; Heroëm tantum, tantis pro salute Augustissimi IMPERATORIS & Imperii totius, in re bellicâ potissimum, negotiis invigilantem obturbare artis Chymicæ phænomeno? novissimè (cunctabar enim hactenus,) speravi, fore, non damnabilem, si minus dicant alii probabilem, conatum pietatis meæ submississimæ habendum, quando Archimedem nostri seculi WEIGELIUM, per charū καιογ mihi, in excellentissimâ virtute MONTECUCOLANA admirandâ imitarer. Huc illud etiam accedit, quod illustris Academiæ Nat. Curiosorū Præses, pertransfunti mihi Svevophordū, Imperialem honorificèq; semper propter merita in me collata nominandā Urbem, Vir Magni-